



2.11.12_kal..

Inatsisartut suleriaasianni § 37, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqt Naalakkersuisunut:

1. **Atuartitaanermut pineqartumi ilinniutit massakkut suut piuppat, tassuunakkut kalaallisut oqalussinnaanermut naleqqussaqqinneruniarluni siunnerfeqarsimagaanni?**
2. **Naalakkersuisut pineqartumut tunngatillugu qanoq pilersaaruteqarpat suli amerlanerusunik ilinniutissanik pilersitsinissamut?**
3. **Naalakkersuisut piffissami matumani sunik aaliangersimasunik periarfissanik suliniuteqarpat, taamaasilluni suli amerlanerit kalaallisut piginnaasaqarnerulerniassammata Sisimiuliaqqaanngikkaluarlutik, taassumalu aamma Oqaasileriffiup dvd-iutiligaata avataatigut ?**
4. **Sutigut sunniuteqassava inuiaqatigiit ineriartornerannut - arlaatigut iluaqusersuusiunngikkaanni pineqartunut matumani eqqugaanerpaasussanut – takorlooruminartuusinnaavormi inuit pineqartut nunatsinnut ilisimasaqarluartut aamma “tatamisikkaluttuinnarlugit” Danmark-imut – nunanulluunniit allanut nuukkaluttualissammata?**
5. **Naalakkersuisut sutigut anguniakkanik siunertaateqarpat kalaallisut oqaatsit suli amerlanerusunit atorluarneqarnerulerniassammata ?**

(Inatsisartuni ilaasortat, Knud Kristiansen, Siverth K. Heilmann, ATASSUT)

Tunngavilersuut:

Piomasagaatit amerliartuinnarput innuttaasunut tamanut, tamanullu aamma oqaatsit kalaallisut atorlugit imminnut sullisseqatigiinnerit ingerlassussanngoriartuinnarlutik aamma, tamannalu pissusissamisoorpoq nunatta nunatut namminiilivikkiartorluni ingerlanerani.

Aamma taamatut ineriartornerup malitsigisaanik atorfinittussarsiorluni allagarsiutit piumasaqataaniippoq kalaallisut oqaatsitsinnut aamma piginnaasaqartuunissaq.

Tassuunakkut pineqarluni innuttaasunut piumasaqaateqarneq aamma neqerooruteqarnerunissamik malitseqartinneqartussaammat. Assersuutigalugu immikkut ilisimatusarfinni ilinninakkanut assigiinngiffeqartunut tapitartuullugu neqeroorutinngorlugu.

Inussiarnersumik inuulluaqqusilluta

ATASSUT-mmiit Inatsisartuni ilaasortat.